





PERANGKAAN PEMBUATAN, NOVEMBER 2025


Nilai Jualan Sektor Pembuatan




Jualan sektor Pembuatan meningkat 4.6 peratus; berjumlah RM169.4 bilion pada November 2025





Bilangan Pekerja dan Gaji & Upah



Sumbangan %



Industri Berorientasikan Eksport dan Domestik



%YoY: Peratusan perubahan tahun ke tahun | b: bilion
%MoM: Peratusan perubahan bulan ke bulan

Sumber: Perangkaan Pembuatan Bulanan, Jabatan Perangkaan Malaysia (DOSM)



Jualan sektor Pembuatan berkembang 4.6 peratus, berjumlah RM169.4 bilion pada November 2025

- Sektor Pembuatan mencatatkan jualan RM169.4 bilion pada November 2025, berkembang 4.6 peratus (Oktober 2025: 6.3%). Peningkatan nilai jualan dalam sektor Pembuatan disumbangkan terutamanya oleh subsektor Peralatan elektrik & elektronik, tumbuh 10.8 peratus pada November 2025 (Oktober 2025: 11.6%). Pertumbuhan ini turut disokong lagi oleh subsektor Makanan, Minuman dan Tembakau dan Produk mineral bukan logam, logam asas & produk logam, yang masing-masing meningkat sebanyak 7.7 peratus (Oktober 2025: 11.3%) dan 3.4 peratus (Oktober 2025: 4.6%). Perbandingan bagi bulan ke bulan, pertumbuhan nilai jualan menyusut 1.3 peratus, dari RM171.6 bilion yang direkodkan Oktober 2025.
- Pertumbuhan nilai jualan bagi industri berorientasikan eksport yang mewakili 70.7 peratus daripada jumlah jualan, bertambah baik 4.6 peratus pada November 2025 (Oktober 2025: 6.9%). Prestasi ini terutamanya dipengaruhi oleh peningkatan dalam Pembuatan komputer, produk elektronik & optikal sebanyak 11.1 peratus (Oktober 2025: 12.1%). Sementara itu, Pembuatan minyak & lemak daripada sayuran & haiwan tumbuh 6.5 peratus (Oktober 2025: 12.9%), dan Pembuatan kelengkapan elektrik meningkat sebanyak 10.8 peratus (Oktober 2025: 9.3%). Perbandingan bulan ke bulan, pertumbuhan industri berorientasikan eksport jatuh 2.9 peratus (Oktober 2025: 0.8%).
- Industri berorientasikan domestik meningkat 4.6 peratus pada November 2025, selepas mencatatkan 4.8 peratus pada sebulan lalu. Prestasi ini disokong oleh pertumbuhan kukuh dalam Pembuatan produk pemprosesan makanan dengan 8.9 peratus pada November 2025 (Oktober 2025: 8.5%); serta dalam industri Pembuatan logam asas (4.5%); dan Pembuatan produk logam kecuali mesin & kelengkapan (4.1%). Di samping itu, industri berorientasikan domestik meningkat 2.8 peratus berbanding bulan sebelumnya.



- Sejumlah 2.4 juta orang pekerja direkodkan dalam sektor ini pada November 2025, bertambah sebanyak 0.8 peratus (Oktober 2025: 1.1%). Pertambahan ini dipacu terutamanya oleh subsektor Makanan, minuman & tembakau (1.7%); Peralatan elektrik & elektronik (1.3%); dan Produk mineral bukan logam, logam asas & produk logam yang direka (1.0%). Berasaskan bulan ke bulan, bilangan pekerja dalam sektor ini berkurang sebanyak 0.2 peratus.
- Gaji & upah yang dibayar dalam sektor Pembuatan juga mencatatkan pengembangan 1.9 peratus (Oktober 2025: 2.4%), berjumlah RM8.46 bilion pada November 2025. Tambahan pula, gaji & upah yang dibayar menurun 0.3 peratus berbanding RM8.48 bilion yang direkodkan pada bulan sebelumnya. Selanjutnya, nilai jualan bagi setiap pekerja mencatatkan RM69,949 (3.7%), manakala purata gaji & upah bagi setiap pekerja adalah RM3,492, meningkat 1.1 peratus tahun ke tahun.
- Bagi tempoh dari Januari sehingga November 2025, sektor Pembuatan merekodkan jualan kumulatif sebanyak RM1.8 trilion, tumbuh 4.0 peratus berbanding tempoh yang sama tahun 2024 (Januari – November 2024: 4.5%). Bilangan pekerja meningkat sebanyak 0.8 peratus kepada 2.4 juta orang, manakala gaji & upah meningkat 1.9 peratus kepada RM92.1 bilion. Selain itu, nilai jualan setiap pekerja berjumlah RM742,017, tumbuh 3.1 peratus.

